

南開大學中國社會史研究中心資料叢刊

中國珍稀
家譜叢刊

稀見姓氏家譜

41



鳳凰出版社

南開大學中國社會史研究中心資料叢刊

中國珍稀
家譜叢刊

稀見姓氏家譜

41



鳳凰出版社

封氏重修宗譜

封豫等纂修

民國九年

二卷

封氏宗譜

封氏重修宗譜序

順德堂

白門第重而氏族之志以詳白系圖垂而血胤之說以起吾
年來歷修家乘不一族均各線系分明間有錯脫亦不如封
氏之甚攷封氏第一世始祖勝邦公爲塘下派生二子景一
景二由河南同遷江西除景一派不計外傳至第四世元一
公生子正十二遞至第十五世宗安公均爲元一房正十二
派宗安遷居芝林直至今總爲芝林派自遷派論似亦一脈
之相貫然第十世有四宗生第十一世者果爲何祖第二十
世有四十一派傳二十一世者究屬何支推其弊端由系圖
五世一提而不眉揭其所自出五世親盡而不標明其所續
承是以哽塞不相貫續至於如此惟自廿一世宏興至廿三
世德賀生子四除餘子不計外次子有廣偕弟有明相率來
嵎廣住富潤明住到嶺下一爲富潤始祖一爲到嶺始祖自

廿一世以下尙線系之分明此外皆在無徵不信之例矣余因摘其繆正其派疑者闕之信者存之將遷嵎兩派另提兩行作始祖并列其所自出者爲何祖與所續承者爲何嗣如此則脈絡貫通雖千百世如一世豈不開卷而了然哉卷中亥豕頗多惜欬勵已竣無暇校正書此以告後之修是譜者
豈

民國九年歲次庚申春王月穀旦

清廩貢生安富區正議長黃履坤撰

封氏重修宗譜目錄

卷之一

封氏重修宗譜序

凡例

續修變通序

合修總裁裔孫豫字建侯

封氏支領譜字號

附諸儒譜說

遺像

封氏遷居

列先後字派

卷之二

世系圖

凡例

一譜以別族明宗不敢強爲牽合故吾族舊譜悉勝邦公爲始祖遠而難信茲惟以始遷景二公爲二世祖凡自承傳一脈者分卷書弔所以徵信而遠誣也

封氏源流舊譜悉載今仍遵舊譜書於譜首知淵源有自易於稽考

譜宗歐蘇之例前用宗圖以五世爲一敘勾曲弔之後畧仍書五世但以前圖在下者重提於上以相聯屬倣五綜九兩之法以世數房次爲先後宗圖旣畢仍從一世而起遞次直書各派格首橫書某人第幾子其系內首書字次書生年月日卒葬及妻妾生卒葬所然後書生子幾各依長幼輪接父子相承兄弟相次一房書畢再及一房又於每頁中旁書某支某世系齒序旣明亦便於觀覽

一近代宗譜不論高曾子孫皆書公似無別茲譜惟始祖稱
公餘皆直書名派不概書公以別尊卑

一凡先人之諱宜避而派同名同者亦易於混淆理合悉爲
改正或於同名下另註乳名亦可但先世久遠者似難改
易概仍其舊至世同而學名異派者復載其派亦便於查
覽

本員貢監載於本人系內然必詳其年分註其學院姓名
以杜冒濫

年至六十書壽未至六十者書年尊高年尙齒之意

禮有書卒書終書死之別若書卒書終似僭書死則卑今
譜通先後尊卑皆書歿惟年高者從禮書終

一生卒年月知者則註明之否則書失考及未詳二字不敢
強爲附會

一婦人未歸曰聘既歸曰娶再曰繼妾則書副

一婦翁必書以表婦德亦見淑慎所自來其或不知則書娶某氏亦可

一女夫必書亦見擇門第之當慎

一女未出閣者配既出閣者曰適

一過繼者先於生父系內書某子出繼某人又於繼父名下書某人之子承繼卽系於繼父之後凡應繼愛繼必須由親及疎派分尤當從前立繼者不無尊卑倒置但已往不論嗣後再不得以弟繼兄以叔爲子以姪孫嗣伯叔祖以明昭穆

一乏嗣無繼者卽於世系名下書一止字宗圖之內不書子幾及繼子字樣

一撫異姓之子及養義子爲子者先於父系內載明撫子某

義子某然後續修譜尾即將本姓註明系內否則書本姓失考四字其懷胎來者則於父系內書以帶孕子某同註譜尾庶不致冒姓亂宗至抱養義子之子孫承繼者仍列撫養卷內不得收入正譜

一舊譜將撫養之子註入譜尾並不載明某人撫子并不註其生卒年月葬所娶氏及提其子孫世次未免過刻今改以父系內先註撫子某另將生卒娶葬并所生之子女俱一一詳載仍依長幼序列其子孫於後庶不失其後裔云耳

抱異姓之子無傳而止者即於父系內載明生卒葬所以免另註

一撫養異姓之子不數傳而殄嗣不得以本宗之子入繼倘有貪他財產承繼者概不收入正譜

一 奴僕及隨母帶歸者不得收入以免冒姓亂宗

一 本族出抱與他姓爲子者例應生父名下載明第幾子出抱與某姓某人爲子以俟歸宗

一 所生之內不幸而夭歿酌以年過五歲者卽須收註本父系內載一夭殤二字以免另提

一 所生之子內有成人受室不幸而無子無繼者固不另提世系然均爲所生之子不得謂非本父之傳今除夭殤外其止者卽於本人系內書一止字至有無子女而疑貳者仍提世次以便查覽

一 下堂之婦本不應載然旣已有子則子無絕母之義仍載本姓并註再適二字至其生年月日在所必削其下堂副室有子亦如之無子者不錄

一 坐堂招夫極是醜行之削匪刻第有子則難言無母之子

祇於夫系後載一氏字而削其姓并去其娶字此不言而絕之意

一婦年三十以內喪夫無遺議者雖未旌表亦不可況仍於本氏後註明并請有道而文者作傳以表揚之至烈婦因夫亡自經者不拘年歲仍照節烈之例書之所以勵節操卽所以維風教也

二窩盜邪淫義所當絕然幹蠱蓋愆或望後人止於本人圖內書某人之子削其名派及世系內併削其生卒葬所有子卽系子於其後懲之正所以勸之至無子止於牛父系內存其派以彰惡行雖本族相傳一十九世幸無已上敗類然族益大而人益衆譜內不可廢此一條備載於此以爲後人觸目驚心焉耳

一削髮爲僧無父無君自絕倫常不必收入譜內至幼入空

門情猶可諒仍提世次以俟歸宗

一 隸卒辱身賤行擯之不書足重祖也

一 無後之墳須載明葬某人某氏墳共幾槨或石碑或土堆與某人之墳相連某人之內爲界卽或失考名氏亦必註明係某人名下親支之墳以免毀佔其或春秋附祭某祖名下亦逐一載明免致失祀

一 凡有後子孫客寓他鄉娶妻生子久不歸者亦宜查明墳共幾處葬於某人某氏以便到家識認并免他人毀掘

一 忠孝義俠嘉言懿行較著者各爲之傳以彰潛德凡傳贊墓誌碑銘詩文悉列譜首便於觀覽

一 蓋棺論定已往者其行足錄例得入傳然必意存矜慎不失於誣方爲傳信至若生者果有善行亦必爲文以表揚之或以卑詞片語括載於本人系內名曰小傳所謂